


PL
2722
E517
1374
v.11



張若龍

陽
山
集

謝德集

突祐橋藏版

測海集跋

先師爲侍講南昀先生曾孫以文學世其家爲尙書芝庭先生季子先生躬逢

列祖聖治之隆黼黻承平贊襄大化而先師隨侍京師燕居趨庭獲聞金匱石室之藏而又得交四方賢傑之士見聞既廣攷覈亦詳颺頌之忱不能自己於是追康衢擊壤之遺抒就日瞻雲之慕成

列朝聖德詩而復下及於名公鉅卿德行政事文章之美旁推於隱才樸學繼之以先人世德爲思賢詠百數十首人名一敘簡而有法名之曰測海集蓋先師少掇甲科承父兄之緒上下於古今究心於經世之術將出而與諸名公卿後先

相望於以報

國而承家也既以爲

王路蕩平庶職就理家門羣從文學代興白社青山求所以
自治其身心者遂問途鹿洞息影禪關故其於古文辭有二
林一行兩集於詩亦測海而外別有觀河也先師旣歸道山
嗣子希萊先刊二林居集問世嘉慶己卯嗣孫蘊策復規全
刊遺集而以測海先之屬沅書其後如此弟子江沅拜跋

測海集敘

孔子曰大哉堯之爲君也巍巍乎惟天爲大惟堯則之而古
之歌堯者曰不識不知曰帝力何有端木氏曰吾終身戴天
不知天之高也豈非然哉豈非然哉予幸生長治之世蒙祖
父之業沐浴膏澤詠歌太平竊撰 本朝聖德詩七首附以
思賢詠百六十首題之曰測海集夫海之不可測也猶天之
不可知也測之奈何亦曰不識不知而已矣亦曰帝力何有
而已矣今之歌堯者猶古之歌堯者也乾隆四十四年夏四
月朔彭紹升題

測海集總目

敘

卷一

列朝聖德詩

七篇

卷二

思賢詠一

諸王貝勒 九篇

和碩禮烈親王

和碩睿忠親王

和碩鄭獻親王

和碩肅武親王

和碩豫通親王

和碩康良親王

固山貝子章泰

和碩怡賢親王

和碩簡儀親王

思賢詠二

賢相 十五篇

范文程

魏裔介

李之芳

馮溥

熊賜履

圖海

李天馥

徐元文

李光地

王揆

朱軾

鄂爾泰

尹繼善

陳宏謀

劉統勲

卷三

思賢詠三

名臣

三十九篇

孟喬芳

王來任

秦世楨

佟養甲

徐勇

李森先

吳景道

狄敬

姜希轍

田六善

魏象祖

朱之弼

劉捷

王伯勉

常若柱

顧予咸

蔣超

朱宏祚

折庫納

戴璣

施閨章

蔡士英

郎廷佐

郝浴

曹本榮

季開生

于朋舉

張朝璘

尹明廷

宋永譽

王起彪

趙吉士

耿介

張璠

戴聖聰

竇可權

朱昌祚

徐越

佟鳳彩

卷四

思賢詠三

名臣 三十二篇

范承謨

馬雄鎮

甘文焜

陳啓泰

高天爵

王之鼎

蔡毓榮

王繼文

楊素蘊

湯斌

阿什坦

于成龍

顧八代

靳輔

范承勲

王國安

格爾古德

李疇

白登明

衛立鼎

許定升

項昇襄

楊雍正

慕天顏

邱象升

任辰旦

于成龍

張貞生

姚精虞

施琅

葉映榴

郭世隆

卷五

思賢詠三

名臣 三十三篇

姚啓聖

吳興祚

陸在新

沈光榮

趙申喬

郭琇

德格勒

達瑞

布泰

陸瓏其

蔣伊

徐元夢

馬如龍

施世綸

席爾達

張廷樞

劉棨

張伯行

竇克勤

蔡璧

陳鵬年

楊名時

高其倬

滿保

馮景夏

楊秘

沈近思

魏定國

蔡世遠

惠士奇

胡煦

謝濟世

陳德榮

卷六

思賢詠三

名臣 十三篇

孫嘉淦

李元直

莊亨陽

王之麟

沈起元

胡寶琮

衛哲治

尹會一

楊錫紱

曹一士

雷鉉

邱天民

李南暉

思賢詠四

布衣 十九篇

孫奇逢

李顥

謝文淳

朱用純

汪灝

徐枋

張光緯

應樞謙

沈昀

劉源祿

李景濂

畢奇

顧培

顏元

勞史

楊維寧

李錯

張畹

鄧元昌

思賢詠五

世德


四篇

五世祖集公先生

從五世祖貽令先生

高祖一菴先生

曾祖止菴先生



測海集引用書目

聖祖文集

世宗文集

硃批奏摺

上諭條奏 雍正十三年 月起

三朝大政記 起天命元年訖順治十八年無撰人姓名蓋從史館中錄出者寫本

八旗通志

史館叢稿 仲兄在史館所記錄內多載 本朝名公卿事跡

兼濟堂集 魏文毅公撰

帶經堂集 王文簡公撰

馮文毅公年譜 毛大可撰

熊文端公行述

子志契撰

有懷堂集

韓文懿公撰

含經堂集

徐公肅撰

榕村文集

李文貞公撰

望溪文錄

方靈皋撰

望溪未刻稿

內有書康熙諸公逸事自湯文正李文貞以下凡九人

紅豆莊稿

惠仲孺撰

南莊類稿

黃靜山撰

小倉山房集

袁子才撰

陳文恭公行述

子撰

蘇州府志

愚齋文集 熊文端公撰

寒松堂集 魏敏果公撰

檐園集 徐原一撰

池北偶談 王文簡公撰

愚山集 施尙白撰

湯子遺書 湯文正公撰

堯峯文鈔 汪茗文撰

改亭集 計甫草撰

曝書亭集 朱錫鬯撰

雒學編 湯文正公撰 尹元孚續

午亭文編 陳文貞公撰

范忠貞集

上海集課記 毛大可撰

青門稿 邵子湘撰

于清端公政書

庸書 張幹臣撰

觚賸 鈕玉樵撰

南昀文稿 先曾祖侍講公撰

趙恭毅公剩稿

趙袞萼剩稿

郭華野奏議

陸清獻公年譜

華田文集

齊謂公撰

嚴太僕集

嚴寶成撰

劉叟子行述

子縉炤等撰

正誼堂文集

張清恪公撰

二希堂文集

蔡文勤公撰

抱經堂文稿

盧弼弓先生撰

芝庭文集

家大人撰

陳文恭公奏議

鈔本

葆璞堂集

胡滄曉撰

御史李公行狀

敬亭文稿

沈子大撰

胡恪靖公年譜

胡恪靖公奏議鈔本

衛尚書年譜

四焉齋文集 曹諤庭撰

梅崖文鈔 朱仕秀撰

二曲集 李中孚撰

程山講義 謝秋水撰

柏廬集 朱致一撰

魏叔子集

謝山集 全祖望撰

淨土剩言 張次民撰

陳舜錫撰

名臣奏議

楊紫淵墓誌銘

將衡撰

彭氏宗譜

殿閣部院年表

督撫年表

測海集卷一

臣彭紹升

列朝聖德詩

天命七章章八句

天命肇大勲也

太祖奄有蒙古諸部因明之衰創義復仇用寡勝衆遂受天命爲天子定都瀋陽以樹王業焉

有赫天命監于下土明德旣衰如穀斯蠱哀此黔黎孰抱而拊乃眷東方命我太祖○惟我太祖乃武乃神帶

甲十三龍躍海濱從我則懷照以陽春敢不庭烈若火焚○乃築城隍乃治宮闕乃制文字乃敘官秩止有政刑出有紀

律我父我兄弟子是率。○衆曰時哉。

皇代明興天欲靖

民。皇敢不膺。

皇其敬天則莫我承肇建元正如日

之升。○詢爾仇方孔熾南國毀我室家餒我廟食泣血告天
孰彊而熄孰弱而植曰惟予直。○勁旅桓桓首克撫順遂薄
清河守臣坐殉鎬豈知兵若魚而爛傷哉廷弼拊膺永歎。○
表海泱泱惟濬及遼天錫神京水深土饒廓矣大度泰而不
驕遂開明堂四方來朝。

重光六章章八句

重光固國本也

太宗始立庠序祀孔孟開科日行告廟禮勸耕織卹孤寡安
集新附禮賢使能屢敗明師招徠屬國東自朝鮮訖西

北海莫不懷服

日月重光惟

聖克孝匪直武功乃恢文教首崇孔孟稽

古謨誥爰制禮文于郊于廟○國本在民民本在食毋逸而
淫男耕女織惠彼流離爾田爾室爾孥爾息以徠疏逖○

帝欲靖亂始議息兵彼昏充耳冒我雷霆克杏及松遂掃
塔城錦州老將面縛行營○ 帝曰勗哉惟汝予才爾無

我虞我不爾猜伊古用人或盜或仇

古音渠之反

中外一家爾官

爾師○明政不綱列城如墟薄言震之鐵騎長趨自幽及青
烈風摧枯其來駸駸其去徐徐○朝鮮不順六師移之旣順
而臣 皇則綏之東人綏矣北人來矣西人歸矣 皇

曰懷哉

九州八章章八句

九州大一統也

世祖紹

二聖之烈爲民除殘既定中原遂下南國諸方

割據次第削平又能虛己勤學進賢納諫以致太平也

逃矣九州唯禹宅

古音鐸

之孰主孰治唯天度之匪聖曷尊匪

仁曷親喪亂孔殷念此下民○爰有親王稟

帝之制懲

彼凶殘是伐是肆賊衆如蟻列山徂海王曰驅之天不宥爾

○爰有良弼曰臣文程謂取天下莫先好生迺騰文告迺申

軍律爾民毋動爲爾殺賊○旣奠燕京遂下河北自豫及雍

戰罔弗克咄彼童昏酣歌而舞反旆東征獲此醜虜○于閭

于蜀于粵于滇或禽或殪或撫而馴乃銷兵甲乃藝桑麻雪

霜旣除好風來加○維

帝八年爰始親政稽古六經開

宏德性皤皤元老翬翬儒臣尙有嘉謨罔或弗詢○朝有闕
政或則匡之野有遺賢或則揚之穆穆四門恢恢言路如玉
如金式我 皇度○喬嶽旣寧江河旣平慎簡牧伯惠我
蒼生滌除煩苛與之更始恭己無爲如斯而已

普覆十章章八句

普覆樂化成也

聖祖稽古右文日新厥德用賢去佞減賦稅恤災眚根本旣
固戰罔弗捷遂定三逆收臺灣翦準噶爾德功巍巍用
能迓 天休綿厯算也

維天普覆維

皇之則雲行雨施知誰之力有跋其行亦

既直之有焦其芽亦既殖之○唯

皇稽古肇舉經筵謂

臣賜履學有本原乃宗洙泗乃述濂閩曰維敬止萬化之先
○彼王而盜瘳于南疆衆吠狺狺實鬧且狂王旅薄之于湖
于湘于江之原于海之陽○首克東閩自秦徂益遂下湖南
永清百粵三方併師采入其穴執馘而還乃昭文德○古有
遺直曰臣象樞執簡在廷誅姦斥諛古有懿德曰惟臣斌式
我百僚保我萬民○誰克經師曰臣光地扶陽抑陰監于古
義 皇曰欽哉汝明汝翼贊我韋編輯我 皇極○

皇曰欽哉載舉廉吏風于羣工敦禮尚誼曾是象恭曾是
冒利攘之殛之俾民憂泄○東有島夷西有桀虜騷我邊人
則罔寧堵水師一奮獲彼童叟絕漠 親征孰逃天斧○既

定西陲回車南指視我河堤寧我婦子蠲彼正供累千萬億
鼓腹而嬉出作入息○武烈大矣德施沛矣旣沛德施蕩無
外矣六十一年日月孔長越漢邁周以配陶唐

有曜七章六章章八句一章四句

有曜睿作聖也

世宗明以制事嚴以治官寬以得衆敬天勤政罔或宴息委
任賢能庶務就理氣志清明用能默契道原躋登聖域
也

唯日有曜照罔弗察唯霜有威秋罔弗殺豈曰匪仁仁在知
人豈曰匪義義在制敝○知人伊何粵有賢王拜手陳謨首
稽浮糧 帝曰俞哉損益道光除六十萬惠此南疆○制

敝伊何懲彼墨吏或放或誅或入其積螟螣旣除禾稼斯遂
敬爾在官念我民事○內有賢相曰維臣軾維臣爾泰社稷
是力外有賢牧曰臣名時曰臣繼善民人是宜○唯 帝
敬天終日乾乾災至而憂祥降而休唯 帝勤政申申詰

令誨爾以忠戒爾以從○罔盤于山罔逸于寢淵默以居孰
窺其朕乃游義海乃徹法原溥博無涯孰知其然○昭哉
聖德胡不壽世以遺我 皇於千萬歲

油雲六章五章章六句一章八句

油雲美益下也

皇帝嗣位之二年憫江東賦重減額征二十萬兩其後周蠲
天下稅金者三稅糧者三焉

雲之油油覆我江洲有風從之自東徂西自南徂北以翼我
黍稷○雲之猗猗其雨祁祁我稼旣同我田旣豐載穫載積
以綏我家室○ 皇帝有詔惠于南人減爾之供實爾之
囷豈伊爾私澤罔弗均○ 皇帝有詔惠于四方旣蠲爾
金重貸爾糧周而更始唯天之行○在昔先人生明之初有
條弗榮負耒而吁在昔先人丁明之季敲骨旣枯輟耕而置
○雲之蔚矣雨旣沛矣爾游爾休爾作爾息無反無側以保
我皇極

流沙七章六章章八句一章六句

流沙美武成也

皇帝旣定伊犁駐軍興屯撫其遺衆夷人安懷兵革偃息

莽莽流沙

皇則荒之憫彼子遺

皇則康之匪武曷

威匪文曷懷鑄爾刀兵爾耕爾犁○始謀于廷羣工有言勿
遠而勤以休我人 天子曰吁 列聖是憑旣伐旣懲

予敢弗承○唯農有秋言刈其稷唯火有爰言去其騰匪棘
匪舒乘天之時時苟弗違天鑒在茲○桓桓虎臣滔滔我旅
如風斯焱如雷及雨乃鋤其穴乃繫其渠臣拜稽首 天
子之謨○ 天子曰吁予曷敢私天祚我家 皇祖之

貽

皇考之勞

皇母之慈○乃城乃池乃封乃洫乃

築倉箱乃興稼穡孰軍而驕孰毗而戚我疆旣同

皇不

爾遜○日東月西何土弗躋何土弗歸何人弗來農歌于田馬放

于山逸我孫子於千萬年

測海集卷二

長洲彭紹升允初

思賢詠一

和碩禮烈親王

諱代善
祖皇帝次子

太

王始從

太祖征哈達平輝發定葉赫等國大破烏

喇軍身先士卒所向輒克封大貝勒

太祖崩王爲

太宗兄首作議書唱于朝戴

太宗爲主征蒙

古喀扎魯特部大獲而還天聰三年敗明師于薊州四

年復敗明師于遵化五年圍大凌河城生禽明監軍道

張春等春見

太宗不跪

太宗引弓怖之王諫

曰彼不懼死射之何爲乃舍之春終不失節以病終天

聰十年建國號曰清改元崇德晉封和碩親王八年

世祖嗣位王次子碩托孫阿達禮謀立睿親王王發其謀兩人皆伏誅順治五年薨

神武奮天戈風雲半麟趾誰能斂霜鋒拭目忠義士屹然鎮危疑
九廟安如几灑涕斷私恩石碣斯可擬

和碩睿忠親王

諱多爾袞
祖皇帝第九子

太

王初封貝勒累從征伐有功天聰五年設六部以王管

吏部事崇德元年封和碩睿親王伐明王率右翼兵入

錦州二年征朝鮮克易州取江華島朝鮮王降三年授

奉命大將軍伐明率左翼兵入青山關與右翼兵會於

通州之河西至涿州分兵八道略京西諸州縣至山西

界復南下臨清破濟南還略天津衛是役也克城凡三十餘降城六俘人卒二十五萬四年春還盛京六年代鄭親王圍錦州七年復與大軍合攻錦州克之遂克塔山杏山八年八月太宗崩諸王或勸王卽尊位王以死自誓遂奉世祖卽位王與鄭親王同攝政郡王阿達禮及貝子碩託復謀戴王王聞立誅二人順治元年鄭親王令各官白事皆先睿親王四月乙丑

世祖御篤恭殿賜王大將軍敕印命統兵伐明王申師次翁後得明總兵吳三桂書言流賊破京師明帝自縊死請速進兵討賊王遂疾驅至沙河戊寅師距山海關十里敗賊將唐通兵己卯至山海關三桂率衆出降

遂入關賊首李自成率兵二十餘萬自北山橫亘至海
列陣待我兵對賊陣尾而軍三桂兵列右翼未是日大
風揚塵我兵大呼者再風止三桂悉銳師搏戰戰良久
未決我兵出三桂陣右衝賊堅賊首尾不相顧大敗走
追奔四十里是日承制拜三桂爲平西王以馬步兵
一萬隸之令先驅逐賊王與諸將約曰入漢地者勿殺
無罪勿掠財物勿焚廬舍不如約者誅之賊還京焚宮
闕率衆走山西五月己丑王至燕京故明諸臣迎於五
里外下令安輯百姓以禮葬明帝后聽臣民服喪三日
遣英親王與三桂追賊累戰輒捷別遣兵徇畿南諸州
縣所至皆下是月山東平六月山西平七月壬寅下令大

赦自順治元年始明季加派遼餉勦餉練餉及抑買米
豆諸苛政悉罷除之九月遣官迎世祖至燕京遂

定都焉封王爲皇叔父攝政王十一月遣豫親王定河
南明年二月遣英親王定陝西追賊至湖廣李自成走
死五月豫親王定南京貝勒博洛平浙江進征福建明
年福建平肅親王定四川張獻忠伏誅五年大同總兵
姜瓖反六月王率師至大同旋反六年秋復命英親王
帥師往九月賊黨斬瓖以獻大同平七年十二月戊子
王薨於喀喇城喪至京師諸王大臣會議宜追稱皇帝
祔享太廟從之詔文武官持服二十七日明年
王府人有首王以黃袍殮又曾圈地永平將移駐旗兵

陰圖不軌

詔令王大臣會訊獄成削奪封號至乾隆

四十三年

上追念王功雪其誣復封親王

賜合

諡

毒燄禍彌天一戰忽如掃隻手擎

太陽光照盡四表席

卷定山河網開遂魚鳥易世荷

明綸臣節千秋燄

和碩鄭獻親王

諱濟爾喀朗
皇帝弟諱舒爾哈齊子

太祖

王始爲貝勒屢從戰立功天聰元年夏

太宗伐明

至寧遠王帥偏師敗明兵被創而還二年征蒙古取顧

特塔布囊以歸三年秋與諸貝勒率師攻明錦州寧遠

焚其積聚其年冬復敗明師大安口下三城會

太

宗大軍于遵化遂率師薄燕京略通州克張家灣四年

春 大軍復入塞王守永平察倉庫閱士卒錄廢官永
平屬諸州縣營將俱率衆來附 太宗班師召王還

五年秋初設六部以王管刑部事復從征至大凌河城
六年夏略歸化城及黃河邊崇德元年封和碩鄭親王
三年冬會大兵伐明攻莫龍關克其屯臺明年夏略錦
州及松山杏山與明師遇九戰九敗之杏山中蒙古
人來約降王與諸王貝勒率兵千五百人迎之與明師
七千人遇王首先陷陣諸王貝勒繼進大敗明師獲其
將二人六年春代睿親王圍錦州克其外城夏五月明
總督洪承疇統兵六萬救錦州我師敗之松山北岡六
月睿親王肅親王率師來代王還守盛京九月復代睿

親王圍錦州承疇自松山出戰我師擊卻之降其衆二千七年春大軍克松山洪承疇降遂克錦州破塔山城杏山城亦下八年秋 太宗崩王定策立 世祖

與睿親王同輔政九月攻明寧遠抵中後所及前屯衛拔二城遂拔前中所順治元年睿親王統兵定燕京九月王扈 駕入關封信義輔政叔王已而與睿親王有隙罷輔政五年九月拜定遠大將軍統兵下湖廣先是李自成爲英親王所追入九公山自縊死其兄子錦率賊衆降於何騰蛟六年春我師入湘潭生得騰蛟錦走依桂王尋死王統兵下辰州分遣諸將徇諸州縣進趨貴州所向輒捷七年正月班師九年加封叔和碩鄭親

王十二年上疏推述

太祖

太宗遺烈以爲平

治天下要在信詔令順人心前方降

詔恤滿州官兵

疾苦已而復命修乾清宮

詔令不信何以服人當以

太祖

太宗爲法凡事必咨于有衆上下僉同

然後頒之詔令庶幾法立令行可紹

二聖之烈又

請設起居注官以垂信萬世

世祖善之其年夏薨

于位遺言勸

上以統一四海爲念

上哀慟

詔圖像宮中

辛苦老鋒鏑經營志澄清側身擁

華蓋王會開神京鼙鼓

一朝息和聲奏韶韻難忘

二聖烈引領觀太平

和碩肅武親王

諱豪格

太

宗皇帝長子

王性英毅善戰屢積軍功封貝勒天聰元年夏 太

宗征明至廣寧王率精騎八十人爲前鋒與明兵二萬
遇擊敗之三年九月大兵逼燕京明援兵大集王至廣
渠門敗其伏兵遂圍永平克香河縣五年秋與貝勒濟
爾哈朗征碩特塔布部落取之六年晉封和碩貝勒七
年秋率師至山海關大獲而還八年秋攻上方堡毀其
邊牆復敗明師于大同九年春統兵一萬至托里圖收
察哈爾汗部落降之還攻明邊入山西平魯衛毀寧武
關略代州及忻州屢敗明師至崞縣乃還崇德元年封
和碩肅親王兼理部務其年冬從征朝鮮明年復攻明
邊至北山岡斬其總兵金國鳳六年夏代鄭親王圖錦

州敗明兵于松山洪承疇悉師十三萬來戰王請濟師
太宗自盛京疾馳至環松山而營明總兵吳三桂
等宵遁我兵追擊大敗之七年二月松山城破擒洪承
疇降之遂攻塔山克其城順治三年拜靖遠大將軍統
兵勦賊四川至漢中賊將劉進忠率衆降請爲導十一
月抵西充張獻忠悉賊衆拒戰王令前鋒鼇拜等奮擊
大敗之獻忠走至鳳凰坡中流矢死分兵破諸賊營百
有三十四年進勦未下諸州縣四川悉平五年正月班
師尋以前國憂時固山大臣欲戴王爲主私共謀議
及征四川又隱蔽有罪將士論死睿親王命幽繫之尋
薨世祖親政雪其誣復王爵

疾雷走千里一發誅凶讐可憐蜀王城積骨峩眉高赤手翦
長棘春風被枯條如何功蓋世夕景下西曹

和碩豫通親王

諱多鐸
皇帝第十五子

太祖

王少履行閒習攻戰天聰九年

大兵攻山西王別帥

師入廣寧至大凌河敗明師追至松山而還崇德元年
封和碩豫親王十二月從

太宗征朝鮮朝鮮王遁

王率兵追之敗其援兵明年二月朝鮮降四年冬掠錦

州寧遠五年春詔爲左翼主帥駐義州城開屯田九月

與鄭親王等代睿親王圍錦州破其外城六年明援兵

自杏山出將至松山王分兵設伏大破之八月明洪承

疇以諸路兵至遇

太宗大軍而潰王伏兵擊之明

總兵吳三桂王樸弃其軍墮得脫遂圍松山明年春克之八年三月上疏言兵者聖人不得已而用之若恃強妄動天必不佑當今宜暫息兵以農務爲急農務克勤則衣食豐足衣食豐足則舉國慶豫此後再有舉行固未晚也順治元年四月從睿親王破流賊定燕京十一月拜定國大將軍統兵南征至孟津渡黃河流賊或降或走遂至陝州李自成據西安我兵攻潼關自成逆戰連敗之明年正月潼關破自成走西安賊將馬世堯以七千人降師至西安自成焚宮室挈子女奔商州捷聞詔以靖遠大將軍英親王追剿餘賊而令王直取南京王分兵三路徇河南諸州縣會于歸德四月渡淮

而南破揚州五月由運河渡揚子江福王遁我兵至南京明臣奉表降遣兵追福王至蕪湖明總兵黃得功戰死田雄馬得功縛福王及其妃以獻王遂令貝勒博洛等率師取杭州潞王降浙東西諸州縣皆下王駐師南京招撫居民戢諸降衆遠近安之七月詔王還京加封和碩德豫親王以多羅貝勒勒克德渾來代三年夏蘇尼特部落騰機思等叛奔喀爾喀詔以王爲揚威大將軍率諸蒙古追破之並破喀爾喀諸部落四年秋封輔政叔德豫親王六年三月薨尋以睿親王故被議降郡王至乾隆四十三年詔復故封

善戰貴乘時勢乃同破竹奇哉指顧闢中原無逸鹿拜手誦

幽風暖氣生茅屋乃知元老猷其要在耕牧

和碩康親王

諱傑書禮親王代善孫

康熙十三年耿精忠據福州反分遣賊兵犯浙江江西及徽州連陷十餘州縣六月授王爲奉命大將軍與貝子傅喇塔帥禁旅及駐防江寧兵下浙江時總督李之芳駐衢州與將軍賴塔連挫賊會王至金華傅喇塔至台州分兵勦禦賊勢稍戢明年春復永康縉雲義烏武義遂復處州連破賊復仙居夏復松陽破賊于黃巖復其城冬復太平樂清青田十五年春大破賊于溫州復宣平八月至仙霞關降守關賊將遂入關拔浦城克建陽復建寧府王帥師次延平耿精忠懼乞降王給以免

死 敕精忠率其屬出城迎獻所屬官兵籍先是海賊
鄭錦入寇悉陷興化邵武泉州漳諸州縣精忠請討賊
自効 詔復其王爵從大軍擊賊王遣都統喇哈達副
都統伯穆和林及精忠等連破賊復諸州縣逐鄭錦入
海已而漳泉諸州山賊多蠢動海賊乘閒復入王遣兵
分剿擒獲甚衆閩地漸寧王在軍先後招降僞官五六
十人兵十餘萬十九年冬振旅而還初精忠既降仍畜
反謀屢爲人所告王奏請逮治會精忠入覲畱之尋下
法司勘問伏誅

負海復憑山血人千里赤當關一失守檻虎落其穽矧復免
與狐獐掃無遺跡如林十萬餘稽首軍門戟

固山貝子章泰

太祖皇帝子饒餘親王孫

康熙十二年冬吳三桂據雲南反貴州湖南諸節鎮多反應賊賊進陷沅州辰州詔以順承郡王勒爾錦統師下荊州與賊戰不能前賊遂陷常德澧州衡州岳州長沙十三年六月又命貝勒尙善爲安遠靖寇大將軍率師攻岳州時賊勢日猖獗分兵陷江西廣西廣東四川諸州縣詔安親王岳樂簡親王喇布先後統師下江西師攻岳州不克章泰時爲參贊言于尙善曰賊雖被圍而水道通餉故久無成功願率水師絕其餉道水陸並攻城可旦夕下也尙善不從章泰遂具疏以請十七年冬詔許進兵時尙善疾卒以貝勒察尼代

章泰率水師至南靖江大破賊連營白米灘斷賊餉
道是歲三桂死於衡州八年春岳州賊飢棄城走遂
克岳州而安親王簡親王先後破賊于江西遂并力向
湖南順承郡王亦自荊州渡江復常德簡親王克衡州
遂進兵廣西三月詔章泰率師赴衡州安親王軍合
兵進勦八月大破賊克武岡十一月詔順承郡王安
親王察尼並還京以章泰爲定遠平寇大將軍將軍
毓榮統漢兵聽大將軍節制十九年夏破賊于江西橋
復沅州遂克靖州及黎平府秋自平遠衛帥師向貴陽
九月拔鎮遠十月克平越大破賊三桂孫世璠自貴陽
棄城走雲南貴州平二十年春遂進兵雲南時將軍賴

塔自廣西至章泰連敗賊復普安二月至交水與廣西
兵會攻雲南城未至四十里賊以萬人迎戰自旦及日
中不決前鋒統領阿納哈以兵衝其堅賊少卻追至興
化寺大敗之斬其將九人賊將馬寶糾衆萬餘自遵義
來援五月章泰遣都統希福等大破之呂含賓亡走會
將軍趙良棟自四川至大敗賊于得勝橋十月合圍雲
南世璠窮蹙自縊賊將以城下遂移檄遠近諸賊帥降
者踵至雲南平當大兵將入城諸將以軍士久勞苦欲
聽擄掠章泰不可乃止二十一年班師二十九年卒
狼子不受豢磨牙恣吞屠赤族亦已後蒼生竟何辜五年頓
荆岳一戰澄湘湖長驅忽電掃絕徼歌來蘇

和碩怡賢親王

諡允祥
皇帝第二十二子

聖祖

康熙六十一年十一月

世宗卽位封王爲怡親王

領戶部兼理三庫事

聖祖朝屢議減東南浮賦爲

部臣所格至雍正三年王具疏以請

世宗稱善卽

命減蘇松賦四十萬兩嘉興湖州南昌共減十七

萬兩其年冬總理水利營田事濬畿甸河渠闢荒地數

千里募民耕種期年而有收時部帑虧額

命王按數

稽核王以歷年久典守代更請概予豁除

上意未

允王乃以平餘飯食銀代償十至八九嘗奏言當今用

法稍嚴宜以寬濟之其後

上以憫旱憶王言盡免

雍正三年以前內外官應追積逋並開復絀誤時雨

立沛王屢承

詔決大獄多所寬釋因奏言聽訟之道

求之辭色以察情僞設誠以待之據理以折之未有不
得其實者若概用刑訊三木之下何求不得此冤抑之
所以難伸也

世宗詔以其言示直省有司刻木榜

於堂四年七月

御書忠誠敬直勤慎廉明八字以賜

條析王善行宣布中外前後屢頒

詔獎王不下數千

萬言王每承恩禮益加謙畏故

上眷遇日篤八年

五月以疾薨

詔奉天直隸江南浙江各爲王立祠

皎日照清秋天高百物肅卿雲揚其華代天調玉燭播穀復
明刑洵美麟之足懸膀照官衙毋使窮黎哭

和碩簡儀親王

諱德沛弟舒爾哈齊

四世孫 太祖皇帝

王早歲應襲父爵爲鎮國將軍讓與從子入西山讀書

世宗以果親王薦 召見問所欲曰願側身孔廟

分特豚之饗 世宗器之授兵部侍郎遷古北口提

督巡撫甘肅甘肅歲常歉收有司不以 聞王到兩月

不雨立報災賑之 上卽位遷湖廣總督調浙閩再

調江南王所至黜陟一稟至公不回避勢要視民如子

尤盡心於荒政乾隆七年淮揚大水王慮漕粟往民不

及炊乃實麥餅千艘蔽運河散兩岸飢民噉聲若流菜

色立變謂府縣官放手開倉庫以賑寧濫毋隘是歲奏

動地丁關稅鹽課銀一千萬奏銷時人皆爲王危

上弗問也尋以議河事與河督高斌不合 召補吏部

侍郎兼國子監祭酒王嗜學不倦希望聖域一言一行
必由仁義每入學摩挲俎豆不忍決舍嘗集諸生講大
學首章既畢園橋門聽者千餘人莫不悅服獨助教王
之銳以爲未盡復陳說已意王欣然下階三揖而謝尋
遷本部尙書十四年簡親王神保仕有罪削爵

王襲封其明年薨

東風謝壇杏周道多荆榛靈枝發奇葩羣鳥歡深春坦步希
古轍側身抱遺文橋門肅觀聽三揖何恂恂

右諸王貝勒共九首

思賢詩二

大學士范文程憲斗

藩陽人隸鑲黃旗漢軍謚文肅

崇德元年建內三院以憲斗爲秘書院大學士

世

祖嗣位睿親王統兵將入關憲斗上書曰乃者流賊亂中原黔首無依思歸令主今大軍出宜申嚴紀律秋毫無有掠官安職民安業大河以北可傳檄定也順治元年四月流賊破燕京明總兵吳三桂來乞師睿親王以聞驛召憲斗於葢州湯泉議之憲斗曰賊惡稔矣可一戰破也雖然好生者天之道自古未有嗜殺人而得天下者 國家欲統一方夏非乂安百姓不可于是隨睿親王入關申嚴紀律妄殺者罪遂定京師時大兵四出騰布文告規畫軍需事無巨細悉取決焉明季賦額屢增憲斗請用萬厯時額從之天下大悅其爲相公忠

體國扶植善類名節之士多賴以自全睿親王攝政時
諸諫官屢以論大學士馮銓得罪及世祖親政以
憲斗言起前給事中許作梅御史李森先仍補原官嘗
具疏言亂後土曠民稀宜興軍屯因條其事宜以上
詔議行之十一年以疾乞休家居十餘年卒
聖作物斯覩海濱奮豪英至哉不嗜殺一言與民生白日煥
冰雪春雷振勾萌休休古黃髮百世基太平

大學士魏裔介石生

直隸柏鄉人順治三年進士論文毅

順治五年石生官工科給事中上疏請及時講學舉經
筵以降治本又言上下之情未通滿漢之氣中閼綱紀
弛法度壞宜召對羣臣虛心咨訪以求救時實政並

令史官記註傳信萬世俱報 聞轉吏科給事中九年

疏請定視朝之制始 詔以逢五一視朝著爲令先後

累疏請恤災荒寬逃人連坐之禁錄建言得罪諸臣增

官吏祿俸停不急之工罷侈靡無益之費因言天下未

平率由徵求太急刑罰太繁宜廣開言路通民情尙寬

大平易之治勿以刻薄瑣碎傷治體其論事鯁切多此

類也十四年授左都御史 詔獎其直加太子太保

召至中和殿諭曰惟朕知爾 世祖田于薊州石生

上疏諫報曰朕不日卽還矣十八年以滇閩用兵加天

下練餉五百萬石生請 敕部計軍需足用卽止 詔

除已派外並停征康熙元年雲南平上疏請撤滿州兵

還駐荆襄扼天下形勝消姦宄之萌爲部議所沮復請
命湖廣總督自武昌移駐荊州從之及吳三桂反湖
南州縣俱陷卒不得過荊州人以是服石生之先慮也
三年拜保和殿大學士十年以疾乞休家居十六年卒
深宮豁明聰開誠獎孤直魏公二百疏字字活邦國先幾制
亂萌四海奠衽席林閒十六年端居抱書冊

大學士李之芳鄴園

山東武定人順治四年進士諡文毅

康熙初鄴園官御史骨鯁無所避

聖祖旣親政鄴

園疏論天下督撫大吏貪黷狀請嚴加甄別他所陳奏

多關國體

上稱爲真御史十二年以兵部侍郎兼

右副都御史總督浙江等處軍務明年耿精忠據福州

反攻掠四出温州總兵祖宏勲反應之浙東騷動鄴園
以衢州爲浙江門戶率師移鎮其地悉家財募士五百
以益兵賊衆數萬來犯親督綠旗兵殊死戰大破之招
降賊將韓斌等於是嚴台溫處諸州連報捷乃上方略
請進復仙霞關已而康親王統兵入閩鄴園別遣師徇
江西諸賊悉平遂請蠲被兵諸州縣錢糧疏四上報
可先是民有陷賊來歸者爲茅屋二千餘間別男女居
之給其食有田者予以耕種具又命屬官於八閩通衢
設粥食飢民凡五年活民一百二十餘萬二十年班師
歸杭州明年入爲吏部尙書拜文華殿大學士一年免
歸鄴園在軍推誠待士賞罰必信士樂爲之死旣卒所

隸將士述遺事輒爲涕下

鄴園社稷臣自任天下重直犯

聖主顏屢救斯民慟保

越屠長蛇歸齊杳鳴鳳風流緬征南試聽與人誦

大學士馮溥孔博

山東益都人順治四年進士諡文毅

康熙五年孔博官吏部侍郎時輔臣鰲拜等議每省遣

大臣二人巡察督撫孔博力言不便乃止七年遷左都

御史疏請寬刑稅言古者罪人不孥今一事或連數人

或數十人雖事終省釋生死已不可知且問官不卽審

決遲者或一二年或七八年俱當 敕部嚴禁又言方

今正月開徵追呼太急舊逋未償新貸又起有司更設

重刑以懲之民何以堪臣請夏稅定于六月秋稅定于

十月庶得上緩 國脈下寬民命十年授文華殿大學
士二十一年乞休臨行陳五事言願 皇上無費財
毋遠出勿輕遣官勿輕勦臺灣勿增關稅鹽課俱報聞
居常好宏獎人物嘗特薦魏象樞成性在京師築萬柳
堂與諸名士觴咏其中堂尙存

聖祖仁如天四海普覆幬馮公佐太平發政首無告推轂盡
英豪投簪寄吟嘯池館有餘清苕菜誰同莖

大學士熊賜履青岳

湖廣孝感人順治十五年進士諡文端

青岳學宗程朱以經世爲己任康熙六年 聖祖親

政下詔求直言青岳上疏極論民生疾苦官方敗闕責

難 君身謂宜選擇左右輔養 聖德 聖祖

甚違其言籍其名未幾 駕將巡狩邊外青岳上疏諫
乃止 詔獎其直逾年再疏請 莅政之暇接見儒臣
講實學端治本康熙九年授翰林院掌院學士兼禮部
侍郎遂以明年二月肇舉經筵大典於保和殿以青岳
爲講官知經筵事頃之 聖祖以春秋兩諱爲期闊
疎遂 命青岳日進講宏德殿每詰旦進講 聖祖
有疑必問青岳上陳道德下道民隱引伸觸類竭盡表
裏十二年冬有 詔撤三藩青岳言 國家方太平以
無事爲福道在休養綏定之而已倉卒逼遣勢逐刑驅
未有不生懟怨衆怒不可激一夫稱亂所至瓦解前事
如此可勿戒與未幾三桂反尋授武英殿大學士一年

罷歸二十七年。起禮部尙書調吏部。三十八年。拜東閣大學士。知經筵。如故。嘗進見言海內安定。休養化導正。在此時。宜益崇學校。廣教化。豫積儲戒奢汰。則萬世太平之業也。四十二年。乞休。尋歸江寧。會纂朱子全書。詔李晉卿與青岳移書商定。卒于家。

康熙盛文章。孝感疏第一。室乃功利萌。飫茲仁義實。籌邊務安懷。補袞先勤恤。黃閣早抽身。青山有作述。

大學士圖海

姓馬。佳。滿州正黃旗人。諡文襄。

圖海天資忠愨。具文武才。康熙二年。以定西將軍下湖廣。討流賊餘黨李來亨等。平之。十一年。拜中和殿大學士。明年。平南王尙可喜奏請撤兵歸遼東。召諸大臣。

面議圖海獨力言不可已而滇閩告變大軍南下圖海
請 敕督撫一切軍需不得私派民間其應用夫役不
得先期拘禁 詔速行之旋以副將軍平察哈爾布爾
尼之亂時陝西提督王輔臣反應吳三桂殺經略大學
士莫洛于寧羌結川賊與大兵相距平涼十五年春授
圖海撫遠大將軍討輔臣大戰平涼城下破其軍遂絕
其餉道輔臣乞降許之令副都統吳丹率數騎入城撫
其民止諸軍不得入飭有司振窮民掩骼埋胔護流亡
婦稚還之鄉里餘賊以次納款關隴遂平十八年督諸
軍規取四川累戰皆捷復漢中十九年圖海進駐漢中
遣將軍王進寶提督趙良棟等提兵進剿大破賊於成

都保寧略定川地二十年冬以疾還京卒于位配享

太廟

殺人亦有禮寧當上首功 王師若時雨鶚鳥懷春風一劍

開太華孤軍下蠶叢承平百戰後鼓腹嬉耕翁

大學士李天馥湘北

江南合肥人順治十五年進士謚文定

湘北初官侍郎歷戶部吏部屏絕饋遺及諸請託曹吏

咸凜凜奉法頃之擢工部尙書轉刑部兵部二十一年

大學士闕

聖祖曰機務重任不可用喜事之人李

天馥老成清慎斯其人也遂以 命之其在位循奉故

典百司各按其職以靜而治前後遇獄事省釋者甚衆

或衆議當死湘北獨謂無死法

聖祖卒從其議在

刑部時念獄囚多瘐死爲次第治屋別罪輕重以居之
與廷議務持平同官或厲辭色湘北笑語之曰君何至
是凡事平其氣而可也吾初亦爾後旣熟漸平也以母
喪歸廬墓側有雙白燕翔于舍前久之不去居常好施
予窮民歸之遂成聚落歲旱爲壇墓前齋三日禱于天
方蒲伏雨大作及秋飛蝗蔽天復禱如前而蝗盡去再
以大學士召卒于位鄉人哭之如喪所親

李公不喜事其人清且敦黃鐘啟玉管天下知春溫白燕繞
墟墓油雲覆郊原卷舒醫國手沒世懷仁恩

大學士徐元文公肅

江南崑山人順治十六年進士

順治末公肅官修撰

世祖時召見討論經義

賜

鞍馬御膳恩如家人已而 晏駕公肅哀痛哭泣如私

喪後十九年從 駕上

孝陵猶悲慟不止也康熙二

十二年雲南平羣臣等頌功德公肅獨上言功業未定

之後當以寅畏之心守之勿徂目前之淺圖務培 國

家之元氣宜振紀綱核名實崇清議厲廉恥端教化抑

營競敦節儉正名分詳求其道而立行之先是軍旅數

發財力絀乃廣開捐納事例始令得官後三年稱職者

上官保舉否則罷旣又令再輸銀並免保舉卽聽遷轉

公肅常言安民在察吏察吏必先清往途初爲祭酒

卽請罷納粟入監之例及是又言國家大體所關惟

不肖之辨而已若使捐銀得免保舉是金多者與稱職

同科也若曹以現任之官營輸納之計貪冒嗜利何所
不至因遂請停止捐納事例其後事例旣罷而府部寺
院筆帖式近三千人復求開例出知州縣其以京察大
計被議者亦謀復官廷議時公肅爭之三日卒從其議
二十二年掌大計一切餽遺無敢及門其所彈劾不避
權貴二十八年拜文華殿大學士明年致仕歸

徐公立本朝爲國持大體引義絕利源飭躬正人紀難忘密
殿恩獨灑 橋陵涕山中桂樹青歸來亦可喜

大學士李光地晉卿

福建安溪人康熙九年進士諡文貞

耿精忠之亂鄭錦亦入踞泉州晉卿以編修家居竄山
中力距僞命用蠟丸陳破賊方畧謂大兵宜由贛入汀

攻其不備事定 召入爲侍講學士以憂歸復練鄉兵

破蔡寅走鄭錦以功遷內閣學士康熙十九年服闋入覲陳臺灣可破狀薦內大臣施琅可任 聖祖用其

言卒平臺灣四十四年由直隸巡撫入拜文淵閣大學

士 聖祖方潛心六藝之文 命晉卿纂周易注及

諸儒語要旦夕被顧問于當世人才賢不肖往往直言無隱陳北溟官江寧知府爲總督阿山所誣論死一日

聖祖問阿山何如人對曰臣嘗與同僚廉幹果于任

事其失民心獨劾陳鵬年一事耳頃之北溟遂 召入

張孝先爲江蘇巡撫與總督噶禮互糾 命使往讞久

不決忽 詔罷噶禮復孝先官晉卿有力焉其他所推

引多好古篤行之士門下士最著者楊賓實蔡聞之賓
實嘗言吾師有旋乾轉坤之力知言者以爲信五十七
年卒於位

李公侍帷幄正氣乃不孤落落布數公斯民食其腴岳瀆出
雲雨其功還太虛弼 聖贊周易一德何天衢

大學士王揆藻儒

江南太倉人康熙九年進士

藻儒初以贊善提督浙江學政最得士心時稱學聖已
而洊歷六部正已率屬力持大體康熙五十一年拜文
淵閣大學士 聖祖春秋高儲位未定藻儒先後七

上密疏請早建 國本至六十年復申前請會御史十
三人合疏以建儲請或疑藻儒指使于是 聖祖發

藻儒前後疏下詔切責 命藻儒子奕清與御史十三人以額外章京銜往軍前効力藻儒累疏乞休不許至雍正元年始得請致仕仍留京備 顧問六年卒於隆初 召還奕清及諸御史以原品錄用

玉輪正中天前星隱不耀納約老臣心一響傳衆竅當璧自有真補袞寧辭耄迢迢歸夢長寂寂寒江釣

大學士朱軾若瞻

江西高安人康熙三十三年進士諡文端

若瞻忠信好學佩服經訓允蹈矩矱達于政事以仁義爲本康熙末巡撫浙江以身教儉婚喪宴享具有品式浙人便之尋遷左都御史雍正改元遷吏部尙書三年拜文華殿大學士時 世宗銳意圖治綜核名實著

瞻在左右因益以知四方疾苦人材賢不肖嘗奉命

視賑山西還奏天下倉儲虛耗請飭督撫勒所屬買

補缺額爲荒備報可雍正末諸省大吏奏墾荒地多

恢張失實而四川廣西河南爲甚上初卽位若瞻

力陳其弊請豁除新增稅額又言法吏嚴刻請諭有司

讞獄須揆度情理協于大中上俱從之乾隆元年

八月以疾卒預草遺疏言國家萬事根本理財用人而

已臣查額征所儲于一切經費寬然有餘倘日後有言

利之臣倡爲加增之說仰祈聖明乾斷力斥浮言

實天下蒼生之福至於用人邪正公私心跡各判幾微

之際最易混淆尙書逆于汝心遜于汝志二語願

皇上時以爲念則臣魂魄長逝永無遺憾疏聞

上輟朝一日臨其喪

儒風釀王道仁義爲本根陽氣奮大地羣生乃氤氲和衷劑
偏黨一德恢經綸遺疏二三策金鑑懸千春

大學士鄂爾泰毅菴

湖州鑲藍旗人康熙三十八年舉人諡文端

毅菴性明決威重勇于任事知人善任使雍正初自江
蘇布政使遷雲南巡撫先是雲南貴州廣西三省羣苗
屢煽動毅菴奏欲保百年無事非改土歸流不可欲改
土歸流非大用兵不可奏上世宗大悅親詣養

心殿鑄三省總督印授之毅菴奏遣張廣泗張允隨元
展成哈元生韓勲董芳等先後出兵進剿自四年用兵

至八年累奏捷歲次庚戌造橋雲貴之交號庚戌橋開
通滇黔路八百餘里 詔封襄勤伯授武英殿大學士

入朝會準噶爾未平

命爲西路經略出巡阿爾蘇還

奏西夷未可卒滅請罷兵

世宗從其請毅菴自督

三省時扶植善類力持大體貴州布政使申大成請加
軍田稅將軍鄂彌達請丈欺隱田毅菴惡其言利皆奏
阻之前雲貴總督楊名時貴州巡撫何世璜俱註吏議
毅菴委曲保護終得無事及爲相益自任進賢退不肖
虛已下士士之有學行者多以禮進之今 上登極

所布詔令海內見聞莫不蹈舞或以推毅菴翊贊功毅
菴蹴然曰天生 聖人天下之福也老臣何力之有

乾隆十年薨配享

太廟

金氣肅威稜慘淡震殊域休休自平生善類普覆翼

吳

日正當陽敷言錫民極拜手和簫韶無事補衮職

大學士尹繼善元長

姓章佳滿州鑲黃旗人
雍正元年進士諡文端

元長自江蘇布政使擢巡撫歷雲南陝甘兩江總督江

南漕政抗弊元長爲巡撫時奏衛丁州縣所需費限米

一石加銀六分溢額者罪之自是漕政一清及爲總督

每遇大獄如盧魯生偽稿及邪教逆詞諸案州縣審解

株引萬千元長別白輕重量予省釋不妄戮一人將有

施設必集屬官會議曰我意如是諸君必駁我至再至

三使萬無可駁而後已以故每一令下遠近莫不悅服

事有便宜雖奉 旨訶責持之益力在江南既久不事赫赫名以靜而治乾隆二十九年拜文華殿大學士明年還朝言緬甸不當用兵軍機處議開捐納以其言暫止三十六年卒于位

斯人久太平所寶惟一靜百卉向春風江流日以永云何秉

國成兩事千秋炳涼涼淮浦秋側席陪清曾謁公淮浦舟

大學士陳宏謀汝咨廣西臨桂人雍正元年進士諡文恭

雍正中汝咨以御史知揚州府擢江南驛鹽道俱聽便宜奏事因奏免淮南積欠額外輸助銀數十萬攝安徽布政使遭親喪奉 旨留任乃乞假歸葬尋擢雲南布政使時外吏多以墾荒爲功廣西報墾者少巡撫金鉷

請令罪廢職官及外省官生墾田報部以額稅抵銀得官于是黠者多與有司相結按額荒冊責民報墾給之工本卽冒爲已功又訪民間田浮于稅者指爲新墾起科報部多得官去報者至十餘萬畝汝咨歸葬時目覩其弊遂上章請罷前令世宗命言之督臣尹繼善

與撫臣會勘虛實今

上初元汝咨以撫臣終護前

先復論奏至再三

上以汝咨粵人累陳粵事啓挾

持有司之漸下吏議降天津河道其後五年督撫會奏卒盡豁抵捐之田如汝咨請累遷甘肅巡撫歷江西陝西河南福建江蘇諸省其所至無問久暫必究悉於人心風俗之得失及利害之當興革者籌其先後以次圖

之察吏嚴所彈劾必擇其尤不肖者一二人他吏率凜凜奉法在江蘇最久嘗遷兩廣總督未幾復還江蘇二十八年遷兵部尚書入京改吏部三十三年拜東閣大學士兼工部尚書三十六年以病乞休卒於路居常留意經術所著書多切于修己治人之要學者宗之

經術足治本所難洞時宜誠求在飢溺激切忘其私春風復春雨潤物物不知棠陰今寂寞俯仰繫人思

大學士劉統勲延清

山東諸城人雍正二年進士諡文正

延清彊直厲清節人莫敢干以私乾隆六年授左都御史其冬奏言尚書公訥親一人之身兼理數處出入禁闥嚮用方隆屬官既奔走恐後同僚亦避其鋒鉞部中

議覆事件或輾轉駁詰或過目不留出一言而勢在必行定一稿而限逾積日任事過銳處事過嚴殆非懷謙集益推賢讓能之道宜加訓示俾圖省改其所管事務量行酌減免曠廢之虞收贊襄之益又言大學士張廷玉子姪宗族及其姻黨姚氏占仕籍者至數十人此盈滿之候而傾覆之機所以伏宜量加裁抑三年內停其遷轉以保全而成就之奉旨下部查議並訓飭

訥親如所請十五年遷工部尙書調刑部十九年命

往西安協辦陝甘總督明年我師定伊犁阿睦爾撒納叛去夷人煽動斷臺肆掠將軍班第參贊鄂容安死之將軍永常撤兵內徙延清奏請棄巴里坤退守哈密

旨奪職籍其家甚貧因 敕還之二十一年復起刑
部尚書明年調吏部益被信任凡四方有大獄必令往
讞延清威重素著其所至雖大奸猾悉屏息股栗諸大
吏率拱手以聽然其所質成當罪而止初未嘗過刻也
二十六年拜東閣大學士益寬中斂鋒鐸爲治舉大體
而已不務苛切不輕縱捨先後累主會試及順天鄉試
門下賓友往往以不知被擯所得士雖已列仕版多不
識其面三十九年卒于位

劉公骨幹奇貞氣介于石雄雞一聲鳴朝日扶桑白黃髮拱
三台清風流四壁殷勤種樹心誰是參天柏

予會試出
公門下

右賢相共十五首

測海集卷二

湖濱集卷一

